

Yeh To Sach Hai Ki Bhagwan Hai Lyrics - Hum Saath-Saath Hain: We Stand United :

Singer - [Ghanshyam Vaswani](#), [Hariharan](#), [Pratima Rao](#), [Ravinder Rawal](#), [Santosh Tiwari](#)

Lyricist - [Dev Kohli](#)

Music - [Raamlaxman -Vijay Patil](#)

Music Label - Saregama

Yeh to sach hai ki bhagwan hai,
Hai magar phir bhi anjaan hai,
Dharti pe roop maa baap ka,
Us vidhaata ki pehchaan hai&
Janmdaata hai jo, naam jinse mila,
Thamkar jinki ungli hai bachpan chala,
Kaandhe par baithke, jinke dekha jahaan,
Gyan jinse mila, kya bura kya bhala,
Itne upkaar hain kya kahen,
Yeh bataana na aasaan hai,
Dharti pe roop maa baap ka,
Us vidhaata ki pehchaan hai&
Janam deti hai jo, maa jise jag kahe,
Apni santaan mein, pran jiske rahe,
Loriyan hothon par, sapne bunti nazar,
Neend jo vaar de, hanske har dukh sahe,
Mamta ke roop mein hai prabhu,
Aapse paaya vardaana hai,
Dharti pe roop maa baap ka,
Us vidhaata ki pehchaan hai&
Aapke khwab hum, aaj hokar jawaan,
Us param shakti se karte hain prarthna,
Unki chhaya rahe, rehti duniya talak,
Ek pal reh sake hum na jinke bina,
Aap dono salaamat rahe,
Sabke dil mein yeh armaan hai,
Dharti pe roop maa baap ka,
Us vidhaata ki pehchaan hai,
Yeh to sach hai ki bhagwan hai&